



狗蟻

規天紅霞的尾暗仔，我散步去一搭毫無發甲半枝草的山崙仔頂，才欲坐起去根盤有漚一空の樟仔跤，雄雄去影著規逝頭尾相連の狗蟻像紅絲線按呢對樹空內底の岫牽出來到外口，有夯物件の、也有空手の，敢若誠無閒の款。我伸跤輕仔去撥個咧行の路痕仔才一下爾爾，規陣狗蟻の跤步即時亂去，有淡薄仔掠狂、驚惶の勢面，毋過兩、三秒就隨回魂轉來原仔照扛、照行，攏無 tsùn-būn 著，我刁工伸跤閣共捫一改，個嘛是彼个樣。

按頭到尾，逐隻狗蟻齊堅心做家己の工課，一个接一个攏袂去相經著，心亂是一時，無人頓蹬、停睷。

一个結，若啟袂開纏仔心肝頭，應該愛學狗蟻先共祛去邊仔，猶原照舊咧行踏做工課，才是好步數。比一个例來講，凝心、鬱卒原本就是一个偃啟放の死結，了氣力去想，是搬石頭擊家己の跤盤，疼甲咻咻叫加槽心爾爾，無人會可憐你。啊若擲去壁跤据在伊去块埃生殍，有生共準無殍，顛倒心肝頭較快活、工課順範，盍會無愛按呢做咧？

反倒轉來講，人若當咧無聊、孤單の時陣，無人來亂、無人仔邊仔枵飽吵，拄好會使稽考以早、把握現時、拍算後過，嘛通去想做人の義理、做代誌の撇步，勻勻仔窮、寬寬仔錄，無的確有無全款の理路、新的開破。猶會當趁這個流擺，看淡薄仔冊、下寡心神來斟酌活仔這個世間の意義，久來加減會收成、有所得，總比為著無聊、孤單咧鬱卒、凝心較讚、較有出脫。論真來講，無聊、孤單是臨時臨曜才有的心情，連鞭就走無看見影去矣，鉞角是咱欲按怎去恰伊對看、排解爾爾。

這段恰狗蟻對拚の過往，干焦伸跤幌振動攏無講甲半句話，顛倒共我拍精神起來，予我仔凝心、鬱卒の時陣，翻頭去看覷仔無聊、孤單這個小鬼仔殼の尻川後另外一款無相嚮の真面目，是我早前毋捌頂真去想過の代誌，就準講家己一个人親像做眠夢按呢咧烏白想，嘛比規陣淋酒、開講練痞話較爽快，寫大字、看冊是我彼當陣上興去做的議量，我袂愛去管別人咧變啥空頭，嘛袂鼓吹別人做恰我全款の代誌，隨人の隨人好，會適應著是讚！

作者：藍春瑞

☆詞彙學習☆

【毫毫】khùt-khùt：光禿禿の。

【相經】sio-kenn：纏絆。

【頓蹬】tùn-tenn/tùn-tinn：暫停腳步、暫時停頓。

【槽心】tso-sim：煩心。形容人在為某事擔心時心煩意亂，焦躁憂慮の樣子。

【順範】sūn-pān：比喻順利。

【枵飽吵】iau-pá-tshá：無理取鬧。

【稽考】khe-khó：考究、研究。

【錄】lòk：整理、抄錄。

【流擺】lâu-pái：特殊の時刻。

【出脫】tshut-thuat：出息、成就。

【臨時臨曜】lîm-sî-lîm-iâu：又唸作 liâm-sî-liâm-iâu。一時之間。

【拚】kèh：不合。

【小鬼仔殼】síau-kuí-á-khak：面具。

【空頭】khang-thâu：花樣、名堂。不存善意的念頭或手段。